

dicimus, etiam si eorum, quod assumit, concedatur, non sequi quod intendit. Sic inquit Hieronymus licet necessarium esset concedere adversario illa, quæ in humana conditione vilia, & abjecta esse videntur, non propterea negandum fuisse, Christum natum esse ex Virgine, & illam Virginem permansisse. Quo fit, ut si necessarium non sit omnia illa concedere, magis convincatur hæreticus, quod sine occasione, vel causa in illam sententiam incidit. Et quia revera illa concedere non erat necessarium, quasi se corrigens, subdit Hieronymus: *Sed, ut hæc, quæ scripta sunt, non negamus, ita illa, quæ non sunt scripta, venimus.* Quæ responsio satisfacere possit huic loco, nisi idem Hieronymus in epist. 22. ad Eustochium, de custodia Virginitatis, mentem suam amplius explicuisset, dicens: *Nonem mensibus in utero, ut nascatur, expectat, fastidia sustinet, cruentus egreditur.* Quorum verborum nullam commodam expositionem invenio, nihilominus sententia a nobis explicata, magis probanda videtur.

Ad XIV. Hæc Hieronymi verba intelligit Serry de illis sordibus externis, quæ ad nativam nascens hominis conditionem pertinent; subditque, quod, nec liceat fingere miracula in ipso etiam Christo temere, & sine probatis testibus. At vero Suarez immunitatem partus Virginis, vel a foecibus illis, quas nos quoque rejecimus, dupliciter ad miraculum trahit; Primo, ut Christi conceptio facta fuerit absque illis membranis, & secundinis. Quod fieri potest verisimile, tum quia miraculose Spiritus Sancti virtute conceptus est, tum etiam, quia videtur cessasse illarum necessitas. In naturali enim conceptione incipit secundina formari, ut genituram completatur, in qua vis feminis inest, ut ita paulatim formetur foetus. Hæc autem ratio in Christi conceptione cessavit, quia momento perfecta est absque femine, & absque impuro sanguine matris ex quorum concursu, & actione unius, & alterius dispositione generatur hæc membrana crassa, sicca, & duriuscula. Si autem Christus in utero matris non fuit involutus his membranis, absque novo miraculo factum est, ut in nativitate inventæ non sint, ablatis autem secundinis, facile intelligitur ratio, ob quam nullæ aliæ sordes inventæ fuerint, nec sanguinis emissio, quia hæc omnia potissimum eveniunt

in aliorum partu ex divisione secundinarum, in quibus illa omnia congregantur. Hic vero dicendi modus quavis fieri potuerit, necesse tamen est, ut multa miracula congerat, fere continua illis novem mensibus, ut in principio hujus sectionis argumentabamur. Duo tamen sunt præcipua. Alterum pertinet ad alimentum foetus, quia foetus per umbilicum secundinis copulatur, per quas fugit sanguinem a matre, & ideo secundinæ plenæ sunt venis. Unde, si Christi corpusculum his membranis caruisset, non potuisset naturaliter ali. Nisi fortasse verum sit (quod aliqui dicunt) præter has membranas prodire ex venis matricis feminæ quosdam veluti funiculos, quibus foetus conjungitur matri in umbilico, ut nutriatur. Nam si hoc verum est, facile intelligitur fieri potuisse, ut Virgo non haberet tempore partus superfluum sanguinem, quem evacuaret, sed solum sanguinem purissimum, qui, & ad sui corporis, & filii nutritionem sufficeret. Alterum miraculum est, quia non poterat naturaliter corpus Christi in utero Virginis non habere aliqua excrementa; oportuisset ergo, vel illa injicere in matricem Virginis, quod nec decebat, neque est ordini naturæ consentaneum, vel certe fieri miraculose debuit, ut alia via resolverentur. Subdit deinde idem Suarez alium modum explicandi hoc miraculum, addens: Alius modus explicandi hoc miraculum facilius esse videtur, si dicamus, Christum quidem fuisse conceptum membranis involutis, & ita habuisse in utero matris statum omnino naturalem: tempore autem nativitatis sicut prodiit per naturales vias sine ruptione claustris virginalis, ita etiam exiisse illas membranas, eas penetrando absque ruptione, atque hac ratione purum, ac nudum ex utero Matris elapsum fuisse. Membranas autem illas cum omni sanguine, & excrementis in illis conclusis non fuit necesse in lucem hanc prodire post Christum natum: sed divina virtute fieri potuit, ut vel in aliam materiam resolverentur, vel alio miraculoso modo in alium convenientem locum transferrentur. Primum quidem ut partus Virginis omni ex parte esset purissimus, ejusque integritas, ac virginitas ex illius modo manifestaretur. Deinde quia cum secundinæ sint corpus densum, ac durum, non poterant ex utero Virginis exire absque ruptione claustris virginalis sine miraculo pene-